

## 濁水彼條溪

播出時間：2020 / 6 / 24

星期三 中午 12：00

報報小達人：807 林珮筠

稿件編輯：陳思恩老師

各位老師，各位同學，大家午安，我是 807 林珮筠，我是今天的報報小達人，今天，我要為大家播報的內容，是：濁水彼條溪

記持中的濁水溪是一條闊莽莽的溪，溪水自以早到今 攞濁濁。細漢的時，透早天拍晷光，阿爸著愛去溪底作穡。因為厝裡無人通共阮照顧，伊就會共竹籃仔掛佇扁擔的雙頭，我佗二姐兩個人一人一頭，坐跼竹籃仔內，歡歡喜喜佗阿 爸去田裡作穡。

沿路阿爸那行喙裡那哼「農村曲」，這是我記持中上早學的歌曲，逐工聽阿爸唱，聽久自然就會曉。因為田佇溪的另外一畔，彼個時陣若是欲過溪，閣無 想欲蹠水過去，干焦有一條竹管仔橋會當迴對岸。阿爸的 體格誠好，對厝裡沿路行攞無歇睏。欲過竹管仔橋的時陣，阿爸共阮講：「溪水掣流，若是會驚，恁就目睭放瞋瞋，若無是會頭殼楞喔！」彼是我第一擺坐佇竹籃仔內過溪。囡仔人興 tshuh-tshuh 閣毋知通驚，根本都無聽阿爸咧講啥。我是共目睭睜開，金金看濁濁的 溪水一直流、一直流……。

雄雄我煞共阿爸講：「爸仔，下底的溪水一直流，人看甲頭足楞的啦！」阿爸就共我講：「惹 囡仔，你目睭瞋瞋毋免驚啦！」我就

共目睷瞞咧，耳空內 干焦聽著溪水咧流恰竹管仔橋吱吱 kuainnh-kuainnh 的聲。

有阿爸的安搭，我就較袂驚矣！過溪了後，遠遠就看著阿母已經佇田裡咧薅草矣！阿爸共阮擔到弓蕉園，就共二姊講：「共小妹仔顧予好。外口日頭大，恁跔弓蕉園內底耍就好，毋通走傷遠哦！」我恰二姊就佇弓蕉跤開始扮公伙仔。共弓蕉葉仔當做盤仔，挖塗準做飯，閣挽一寡仔草仔當做菜。我閣共二姊講愛加攢 兩份通有孝阿爸恰阿母。二姊講：「咱是咧扮公伙仔，這也袂使食啊！」二姊這句話予我心內真艱苦，我煞開始流目屎，二姊趕緊共我安慰，叫我莫哭矣！毋過我就是一直恬恬仔咧流目屎，二姊無我法，只好恁恁我去別位迵迵。

細漢的時，真濟歡喜、趣味的記持，攏是佇濁水溪邊 的田裡度過的。濁水溪啊濁水溪，請你毋通共我遮嬌的記 持流去喔！

以上是今天的 happy 播，期待下次再相見！